

“ТАСДИҚЛАНГАН”

“Yo’lqurilish” АЖ
ягона акциядорининг
2022 йил «08» июлдаги
77/08-2-қр – сонли Қарори
7-илова

“YO’LQURILISH” АЖ
ДИВИДЕНД СИЁСАТИ ТЎҒРИСИДАГИ
НИЗОМ
(янги таҳрир)

М У Н Д А Р И Ж А

1. Умумий қоидалар
2. Дивиденд тўловини белгилаш ва кўчириб бериш тартиблари
3. Дивидендлар тўловининг муддати ва тартиблари
4. Эълон қилинган дивидендлар тўлови учун жавобгарлик
5. Маълумотларни ошкор этиш тартиби
6. Якуний қоидалар

I. УМУМИЙ ҚОИДАЛАР

1. Мазкур “Дивиденд сиёсати тўғрисида”ги Низом (кейинги ўринларда - Низом) Ўзбекистон Республикасининг “Акциядорлик жамиятлари ва акциядорларнинг ҳуқуқини ҳимоя қилиш тўғрисида”ги Қонуни (бундан кейин матнда - Қонун)га, Корпоратив бошқарув кодекси (31.12.2015й. 9-сон) талабларига, Жамият уставига ва бошқа меъёрий-ҳуқуқий ҳужжатларга мувофиқ ишлаб чиқилган.

Мазкур Низомда Жамиятнинг дивидендлар сиёсатининг умумий масалалари акс ва ошкор эттирилиши кўрсатилган.

2. Жамият дивиденд сиёсати ягона акциядор фаровонлигини оширишга йўналтирилган. Низомнинг асосий мақсади Жамият дивиденд сиёсати ҳақида ягона акциядор ва бошқа манфаатдор шахсларга хабар бериш учун мўлжалланган.

3. Мазкур Низом Жамият Кузатув кенгаши томонидан акцияларга дивидендлар тўлаш ҳажмини ишлаб чиқиш тавсиялари ва уларнинг тўлов тартиблари учун мўлжалланган.

Жамият ягона акциядорининг дивидендлар тўлови билан боғлиқ масалалари Ўзбекистон Республикаси “Акциядорлик жамиятлари ва акциядорлар ҳуқуқларини ҳимоя қилиш тўғрисида”ги Қонуни талаблари, Ўзбекистон Республикасининг бошқа норматив ҳуқуқий актлари, Жамият Низоми ва мазкур Низомда амалга оширилмаган бўлса ягона акциядор қизиқишлари ва ҳуқуқларини таъминлаш билан келиб чиққан ҳолда ҳал қилинади.

4. Ушбу дивиденд сиёсати 2025 йилгача 3 йил муддатга ишлаб чиқилган.

Жамият шу давр мобайнидаги ягона акциядор қарорига асосан дивидендлар тўланишини амалга оширади. Ягона акциядор қарори билан Жамият соф фойдасини Жамиятни келгусида ривожлантириш ва техник қайта жихозлашга йўналтириш, тақсимламасдан қолдириш ва дивидендларни тўламаслик тўғрисида қарор қабул қилишга ҳақлидир.

4. Жамиятнинг дивиденд сиёсати қуйидаги асосий тамойилларда асосланган:

Ошкоралик тамойили. Томонларнинг дивиденд сиёсатини амалга оширишда иштирок этадиган мажбуриятлар ва жавобгарликлар ҳақидаги маълумотларни аниқлаш ва ошкор этиш, шунингдек дивиденд тўлови ва ҳажми ҳақидаги қарор қабул қилиш тартиб ва шартлари назарда тутилади;

Ўз вақтида тамойили. Дивиденд тўлаш тўловларидаги вақт чегаралари бўйича белгиланилиши назарда тутилади;

Асослилик тамойили. Бу фақат Жамият томонидан Жамият ҳақиқий молиявий аҳволини инвестиция дастурлари ва ривожлантириш режаси ҳисобида ижобий молиявий кўрсаткичларга эришган тақдирда, дивиденд тўлови ва ҳажми ҳақидаги қарор қабул қилиш мумкинлиги назарда тутилади;

Адолат тамойили. Ягона акциядорни дивиденд тўлови ва ҳажми, тартиби қарорларини қабул қилиш тўғрисидаги маълумотларнинг олиниши билан таъминланилиши назарда тутилади;

Мустаҳкамлик тамойили. Дивиденд сиёсатида тартиб ва тамойилларни каттиқ назоратда амалга ошириш назарда тутилади;

Ривожлантириш тамойили. Жамият стратегик мақсадларининг ўзгариши билан корпоратив бошқарув тартибларини яхшилаш доирасида дивиденд сиёсатини доимий такомиллаштириш назарда тутилади;

Барқарорлик тамойили. Жамият дивиденд тўловининг барқарор даражасини таъминлашга интилиши назарда тутилади.

5. Акцияларни жойлаштириш бўйича дивидендлар тўлови қарорларини қабул қилиш (ижро этиш) Жамият ҳуқуқи ҳисобланади. Ягона акциядор акциялар бўйича дивидендларни тўлаш ёки тўламаслик ҳақида қарорини қабул қилиш ҳуқуқига эга.

6. Ёлон қилинган дивидендлар тўлови Жамият мажбурияти ҳисобланади.

Бошқарув органи қарори бўйича дивидендларни олишда дивидендлар тўлови билан боғлиқ харажатлар (шунингдек, солиқларни ҳисоблаш ва сақлаш, дивидендларни санаш бўйича харажатлар, почта харажатлари), ягона акциядор зиммасига юклатилмайди. Жамият Ўзбекистон Республикаси қонунчилигига асосан ягона акциядор олдида жавобгар ҳисобланади.

7. Акциялар бўйича дивидендлар тўланмайдиган ва ҳисобланмайдиган ҳолатлар:

- жойлаштирилмаган;
- Жамият томонидан харид қилинган ва/ёки сотиб олинган;
- Ўзбекистон Республикаси қонунчилигида кўрсатилган бошқа ҳолларда.

8. “Акциядорлик жамиятлари ва акциядорлар ҳуқуқларини ҳимоя қилиш тўғрисида”ги Қонуни 54-моддасининг биринчи бандига асосан Жамият акциялар бўйича дивидендлар тўлови ҳақида қарорни қабул қилиш ва тўловларни амалга ошириш ҳуқуқига эга эмас.

II. ДИВИДЕНДЛАР ТЎЛОВИНИ БЕЛГИЛАШ ВА КЎЧИРИБ БЕРИШ ТАРТИБЛАРИ

9. Жамият биринчи чорак, ярим йиллик, молиявий йилнинг тўққиз ой натижалари ва молиявий йил натижалар даврида. Мазкур Низомнинг 8-бандига

кўрсатилган ҳолатлардан ташқари акциялар бўйича дивиденд тўловлари қарорини қабул қилиш (хабар бериш) ҳуқуқига эга.

Биринчи чорак, ярим йиллик ва молиявий йилнинг тўққиз ой натижалари бўйича дивидендлар тўлови ҳақида қарори (хабари)ни тегишли давр тугаганидан кейин уч ой мобайнида қабул қилиниши мумкин.

Дивидендлар Жамият тасарруфида қолдирилган ўтган йил тақсимланмаган фойдаси ҳисобида Жамият соф фойдасидан тўланади. Дивидендларни ўз вақтида тўлаш ва Жамият молиявий аҳволининг ёмонлашиш олдини олиш мақсадида айланма маблағларидан дивидендларни тўлаш учун олиб чиқилганда Жамият даромади ҳисобидан дебиторлик қарздорлиги бўйича Жамият томонидан заҳира яратилади.

Жамият ягона акциядори ҳар бир турдаги акциялар бўйича дивидендларни тўлаш (хабар бериш) тўғрисидаги қарорини қабул қилади. Жамият Кузатув кенгаши ягона акциядорга акция бўйича дивидендлар тўлов ҳажми ва уларнинг тартиби бўйича тавсиялар беради. Дивидендлар тўлов ҳажми Кузатув кенгаши берилган тавсияларидан ошмаслиги керак.

10. Ягона акциядорнинг дивидендлар тўлови (хабари) ҳақидаги қарорида белгиланиши керак бўладиган:

- Дивидендлар тўлови (хабари) бўйича акция туркуми (тури);
- Белгиланган турдаги бир акция учун дивиденд ҳажми;
- Дивидендларни тўловида муддат, тартиб ва даврийлиги.

Шу билан бирга, Жамият дивидендларни ҳисоблаш (тўлови) тўғрисидаги қарорни қонунчиликда белгиланган тартибларда қабул қилиш ҳамда қонунчиликда белгиланган муддатларда оддий акциялар бўйича тўлиқ дивидендларни тўлаш ҳуқуқига эга эмас.

11. Кузатув кенгаши томонидан ягона акциядорга тавсия қилинадиган акциялар бўйича дивидендлар ҳажми қуйидаги омиллар асосида белгиланади:

- Аудиторлик хулосасининг аниқлилиги билан тасдиқланган мазкур молия ҳисоботи асосида соф даромад ҳажми;
- Жамият кейинги даврларда молиявий-хўжалик режалари;
- Жорий давр сўнгида Жамият айланма маблағлари тузилмаси;
- Жорий давр сўнгида Жамият қарздорлик юкламаси.

12. Кузатув кенгашининг дивидендлар тўловида бериладиган тавсиясида кейинги йилларда Жамият молиявий-хўжалик режалари, ҳозирда ва келажакда Жамият айланма маблағлари ҳолати ва мажбуриятлари кўзда тутилиши керак. Кузатув кенгаши томонидан Акциядорлар умумий йиғилишига тавсия қилинадиган дивиденд тўловлари кейинги даврлардаги молиявий-хўжалик

режаларининг тасдиқланилишида кўрсатмайдиган Жамиятни қўшимча молиявий қарз ёки бошқа харажатларга олиб келмаслиги керак.

III. ДИВИДЕНДЛАР ТЎЛОВИНИНГ ТАРТИБИ ВА МУДДАТЛАРИ

13. Жамият дивидендларни пул маблағлари ёки бошқа қонуний тўлов воситалари ёхуд жамиятнинг қимматли қоғозлари билан тўланиши мумкин. Жамият эълон қилинган дивидендлар Ўзбекистон Республикаси миллий валютасида ўтказиб бериши шарт.

14. Дивидендларнинг тўлов муддати Жамият ягона акциядори томонидан белгиланиб, ягона акциядорнинг дивидендларни тўлаш тўғрисидаги қарори қабул қилинган кундан 60 кундан ошмаслиги керак.

15. Жамият ягона акциядор томонидан белгиланган муддатларда дивидендларни олмаган тақдирида, Жамият бундай дивиденд (талаб қилиб олинмаган)ларни тўлашда давом этади. Эълон қилинган дивидендлар тўлови бўйича Жамият мажбуриятларини бажариш муддати тугашидан талаб қилиб олинмаган дивидендлар тўлов даври 3 йилдан ошмаслиги керак.

16. Жамият айби билан тўланмаган дивидендлар Ўзбекистон Республикаси Марказий банкида белгиланган тўланмаган (олинмаган) дивидендларни қайта молиялаштириш ставкаларидан келиб чиқиб жарималар тўлаб борилади. Тўланмаган (олинмаган) дивидендлар бўйича жарималар ҳажми тўланмаган (олинмаган) дивидендлар миқдорининг 50 фоизидан ошмаслиги керак.

17. Жамиятнинг тузилмавий бўлинмалари, ўз вазифалари орасида ягона акциядор билан иш олиб бориш ва ташкиллаштириш, Жамият бухгалтерияси билан биргаликда мазкур Низомда кўрсатилган Жамият дивидендларини тўлаш бўйича тадбирларни тайёрлаш, мувофиқлаштириш ва ўтказиш асосида амалга оширади.

18. Ягона акциядор акциялар бўйича дивиденд тўловлари тартиби, ҳисоблаш тартиби, дивидендлар солиқ миқдори, тўлов шартлари тўғрисидаги маълумотларни олишга мурожаат бериш ҳуқуқига эга.

19. Агар ягона акциядор ўз банк ҳисоб рақамларини ва дивидендлар тўловини амалга оширишда кўрсатилган банк ҳисоб рақамларини нотўғри берса ёки уларнинг ўзгарганлиги тўғрисида ўз вақтида хабар бермаса Жамият ягона акциядорга етказилган зарар учун жавобгар ҳисобланмайди.

20. Жамият ягона акциядорнинг даромад тўловларида солиқ агенти ҳисобланиб, Ўзбекистон Республикаси қонунчилигида белгиланган қимматли қоғозлар бўйича фойда олиш солиғи тартибларида дивидендларнинг тўловини амалга оширади.

IV. ЭЪЛОН ҚИЛИНГАН ДИВИДЕНД ТЎЛОВИ УЧУН ЖАВОБГАРЛИК

21. Жамият ҳар бир турдаги акциялар бўйича дивидендларни тўлаб бериши керак.

22. Жамият Ижроия органи Жамият ягона акциядорига дивидендларни ўз вақтида ва тўлиқ тўлаш учун жавобгар ҳисобланади.

23. Жамият ўз мажбуриятларини бажармаган тақдирда ягона акциядор акция бўйича эълон қилинган дивидендлар тўловини белгиланган тартибда суд томонидан талаб қилиш ҳуқуқига эга.

24. Жамиятга дивидендлардан солиқ миқдорини сақлаш ва кўчириб беришда тайинланган солиқ агенти мажбуриятларини бажармаган ёки лозим даражада бажармаганлиги учун Ўзбекистон Республикаси қонунчилигига мувофиқ жавобгар ҳисобланади.

V. МАЪЛУМОТЛАРНИ ОШКОР ЭТИШ ТАРТИБИ

25. Мазкур Низом ҳамда ушбу Низомга киритилган қўшимчалар ва ўзгартиришлар Жамиятнинг интернет тармоғидаги корпоратив веб-сайтида тегишли қарор қабул қилиниши бўйича Жамият бошқарув органининг мажлис баёни имзоланган кундан сўнг ўн кун мобайнида Жамият томонидан ошкор этилади.

26. Ягона акциядор томонидан дивидендлар тўлови тўғрисидаги қарор қонунчиликда белгиланган муддатларда ошкор этилади.

VI. ЯКУНИЙ ҚОИДАЛАР

27. Мазкур Низомга ягона акциядор томонидан тасдиқланган қарорга асосан ўзгартиришлар ёки қўшимчалар киритилиши мумкин.

28. Жамият Кузатув кенгаши, тафтиш комиссияси, ички аудит хизмати, ижроия органи раҳбари таклифларига биноан мазкур Низомга ўзгартиришлар ёки қўшимчалар киритилади.

29. Мазкур Низомнинг баъзи моддалари Ўзбекистон Республикасининг қонунчилигига ва норматив қоидаларига киритилган ўзгартиришлари натижасида зид бўлган тақдирда, бу моддалар ўз кучини йўқотади, Жамият Низомига ўзгартиришлар киритгунга қадар Ўзбекистон Республикасининг қонунчилигига ва норматив қоидаларига амал қилади.